

საქართველოს ახლგაზრდა იურისტთა ასოციაცია GEORGIAN YOUNG LAWYERS' ASSOCIATION



საიამ ჟურნალისტებთან ერთად მრგვალი მაგიდა გამართა

27 ივლისს საქართველოს ახლგაზრდა იურისტთა ასოციაციამ მედიის სამართლებრივი დაცვის პროექტის ფარგლებში სამუშაო შეხვედრა გამართა ჟურნალისტებთან. შეხვედრის მიზანი იყო იმ საკანონმდებლო ხარვეზების იდენტიფიცირება, რომლებიც საქართველოში ჟურნალისტებს ყველაზე მეტად უშლის ხელს ეფექტურად მუშაობაში და რომელთა აღმოფხვრა შესაძლებელია საკანონმდებლო ცვლილებების განხორციელების შედეგად.

შეხვედრაში მონაწილეობა მიიღეს ადგილობრივი და რეიოგული მედია-სამუალებების წარმომადგენლები და ისაუბრეს იმ საკითხებზე, რომლებიც მათ საქმიანობაში ყველაზე

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



პრობლემატურად მიაჩნდათ.

სამუშაო შეხვედრის შედეგად გამოიკვეთა შემდეგი პრობლემატური საკითხები:

- მედია მფლობელთა გამჭვირვალობა;
- მედია საშუალებათა ფინანსური გამჭვირვალობა;
- სასამართლო ბაჟის მაღალი განაკვეთი და სასამართლო წარმოების მეტისმეტად ხანგრძლივი ვადები;
- საჯარო ინფორმაციის ასლის გადაღების მოსაკრებლის მაღალი განაკვეთები. ასევე, სპეციალური რეგულირება სხვადასხვა ტიპის ინფორმაციის მოპოვებისათვის, როგორცაა სამენარშეო რეესტრიდან ამონაწერი, ცნობა არიქივიდან და ა.შ.
- სასამართლო სხდომების საჯაროობა, შეზღუდვა ფოტო, ვიდეო და აუდიო ჩანერაზე;
- მაუწყებელთა ლიცენზირების საკითხები;
- საჯარო ინფორმაციის ელექტრონული ფორმით მოპოვების შეუძლებლობა;
- ჟურნალისტთა შრომითი დაცვის პრობლემა;
- საჯარო დაწესებულებებსა და საჯარო სხდომებზე შეღწევისას ჟურნალისტებისათვის დაწესებული ხელოვნური ბარიერები.

საქართველოს ახალგაზრდა იურისტთა ასოციაცია პარტნიორ ორგანიზაციებთან ერთად 2010 წლის სექტემბერში დაიწყო ლობირების აქტიურ კამპანიას. შეხვედრების, მედია კამპანიისა და პარლამენტისათვის საკანონმდებლო წინადადების წარდგენის გზით საია ეცდება ხელი შეუწყოს პოზიტიური საკანონმდებლო ცვლილებების განხორციელებას და ჟურნალისტებისათვის თავისუფალი, თანასწორი და სამართლიანი გარემოს შექმნას.